

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 11 1941

T9153/8941



余聿雲偶

記序學漢和
國書館珍藏印



四本函
三元角

相海室
藏書印

自積紀以來八荒之內縱橫數萬
里上下幾千歲秘編奧錄奇事異
聞層見疊出不可勝原矣學者顧
知其一不知其二得於此或遺於彼
此多異繇蓋曲學寡聞窮鄉罕

識學未通於流略見方局於蠡管
流傳之文畔散不屬得一察焉以自
好斯已難矣多因一事以尋其餘
執片言而窮其類珠照璧合纍
然備詞林之觀者未之有也余君
聿雲標準時英漸涵庭訓閱寸


迭起家聲播於三輔達人間峙門
境冠於九華蓬山芸觀之書玄
扈紫宮之記魯壁斷簡汲冢遺
編靡不日覽萬言胸藏二酉矣以
故雕章摘藻人推傳毅之才探往
知來衆遜馬融之博乃能抽諸腹

何言
一
司手自牒書攬撫千載必提其要
區分羣品以類而從駢珠擷翠代
異而事偕綴玉揉金人懸而臨合
譬富人之儲材棟椽枅拱雲委
山積而正石得之應手不窮秘半然
就緒自是隸事者資以名敵屬文

者仗以美詞博古者借為鉤珠清
言者持為談柄非執林之一快哉方
士挾一經不兼他技君獨能鼓動包
羣藉之長變化成一家之體不謂之
奇不可也君文筆翩翩鬱鬱為國寶三
千運北搏羊角以垂天九萬圖南比

仙言 序三
鵬程而矯翰其為材美詎盡此編
而觀一節亦可以知侏儒身

萬曆丙午春秣陵焦竑題



偶記自序

余志存緝柳性嗜燃藜上溯虞周下
迄勝國彌載數千百餘為史二十有
一以至夷堅襍志齊諧怪錄中所紀
術或片言而彼此偶同一事而先後
數見良由意均智敵不謀而合符無

亦往事今師有心於學步又或秉筆
者東宋成訛根銀互記本以一跡遂
分兩端得於游目殊資鼓掌隨為錄
以憫幌謬加鈇袞既久成帙稍別類
倫然而篋笥之藏未窮羽陵摻擷之
勤有慙玄晏異成一種之說能免萬

漏之說乎抑余聞之業文屢校楚句
糝糠阿難受障于多聞顯道遺譙于
博記繇斯以談日余所識尚病其多
又胡云少姑未焚宣鑿之鈔存以覆
子雲之說云爾

嘗

萬曆丙午人日余翹聿雲書



信記目

卷一

禪代

嗣立

禮賢

用人

刑賞

諫說

兵戰

君臣

父子

夫婦

兄弟

朋友

師弟

卷二

德行

方正

雅量

清修

政事

孝誼

義俠

德化

神宇

志願

文學

智術

武勇

捷悟

名譽

棲逸

審已

籌敵

用間

報仇

賢媛

卷三

出處

辭受

恩怨

奢儉

評品

比擬

嫌疑

任誕

嚴憚

恃陋

反覆

諂佞

殘忍

惑溺

疑懼

調謔

賄敗

瀆亂

妖冶

妬媚

卷四

禍福

感應

讖兆

禳孽

神怪

數定

容止

音聲

飲食

術藝

釋宗

仙跡

物類

古蹟

瑩兆

目錄全

偶記卷一

禪代 八則

池陽 余翹聿雲 著

哈佛大學漢和
圖書館珍藏印

堯禪舜共工鯀諫之而罹誅焉武滅殷管蔡興
之而受戮焉此之兇人彼之忠臣乎

湯滅夏而死者務光也武滅殷而死者夷齊也
二代之忠臣何少也雖然血流漂杵殷之凶事
者衆矣

伐密而作程邑也伐崇而作豐邑也聖人不以

細行廢至計也今以取劉璋病先主則文王非耶

弑君而稱聖周武也弑兄而稱聖衛武也

采薇之歌耻周也麥秀之歌傷殷也彼異姓而

死之此同姓而臣之理無兩是

爲操成篡者或也董昭九錫之議則佯異之爲
昇成篡者齊丘也周宗禪代之議則佯嫉之耻
策非已小人哉死也宜矣

王祥之附晉心也佯不拜以飾之馮道之附周

心也佯受拜以掩之人遂不罪其賣國矣巧哉

裕取天下于桓玄而托之晉禪也淵取天下於
羣盜而托之隋禪也無識哉

嗣立

宋宣公讓位弟穆公而卒有與夷之弑也吳諸
樊讓位弟餘祭而卒有僚之弑也三代而下不
傳嫡者是禍本也

齊婁后致位演而孝琬百年殄宋杜后致位匡
義而廷美德昭殲故曰牝晨家索

備言卷一
晉申生衛急子之賢而不免其天道乎獻烝於
齊姜生申生宣烝於夷姜生急子

禮賢 九則

教以牆壞不築墻柱不端禁食園桃食以糲飯
而能悟者魏文侯於箕季也教以置水拔薤抱
兒當戶而能悟者龐參於任棠也教以披頭洗
盤抱兒而能悟者陳異於尹方也教以降階不
答瞪視而出而能悟者高士廉於朱桃椎也
懸榻以待周璆陳仲舉也施榻以待孔休源蕭

晉安也陳又嘗懸榻待徐穉

魏文侯踞堂見翟黃及見段干木立倦而不敢
息也漢武帝踞廁見衛青及見汲黯不冠不見
也格君心之非者二子乎

信陵執轡於侯生從騎罵之王商枉駕于樓護
主簿諫之今人不爲從騎主簿也者幾希

屣履相迎者暴勝之於雋不疑竇憲於崔駟皇
甫規於王符蔡邕於王粲

康莊列第不能用軻也東閣營館不能容舒也

備言卷一
所謂好畫龍者也

夜聽賈誼論鬼神而膝前席者漢文也夜聽蘇綽陳政道而膝前席者周文也又孝公於商鞅周明帝于寇儁亦然

金蓮炬送歸院者王珪也蘇軾也然太后與軾夜談而嬪妃夜索珪詩贈以珠花幾於褻矣又令狐絢晁迥史浩亦被此寵

魏文四友司馬懿陳羣朱鑠吳質也吳太子四友諸葛恪張休顧譚陳表也宋帝四友謝朓褚

炫江斲劉俟也梁簡文四友上黃新渝建安南浦也

用人 十六則

拔崑徒而相而恐其駭也夢以先之載釣老而師而恐其疑也卜以先之聖人不得已而喻愚俗也不知者以爲真夢而娃羸進矣筮而驪姬進矣

卜相而金甌覆名唐玄宗於崔琳盧從愿也卜相而琉璃瓶貯名唐廢帝於崔居儉盧文紀也

二事俱出二氏異哉覆而不克相也貯而挾以
箸也殆同戲耳

唐文皇爲天策上將開府置房杜等十八人爲
學士楚王馬希範爲天策上將開府置廖光圖
徐仲雅等十八人爲學士事類而人遠矣

晏子前在東阿屬托不行而君罪之後反是而
君賞之西門豹爲君治鄴而奪之璽爲左右治
鄴而君拜之故曰官無中人不歸田

漢武帝以朱買臣爲會稽太守世祖以景丹爲

櫟陽侯周高祖以劉雄爲河州刺史並曰富貴
不歸故鄉如衣繡夜行益寵之本郡也

秦皇未見韓非思並世不可得既見則殺之漢
武未見相如思並世不可得既見則擯之貴其
耳賤其目

高澄見王偉爲侯景檄曰才如此何不早使知
也武嬰見駱賓王爲敬業檄曰人有如此才而
使之流落不偶乎然政使早有薦達者未必見
用

傳言卷二
五
遼之興以韓延徽夏之興以張元吳昊皆中國人也延徽嘗歸唐矣以王緘之隙復奔遼元昊嘗刻詩自見矣以韓范二帥不能用遂奔夏元爲鸚鵡詩曰好着金籠收拾取莫教飛去別人家宜以告當事者

唐王仙芝以進士不第竟亂而亡唐宋張元以殿試黜落竟叛而禍宋嘉祐二年詔殿試不復黜因張元故也一小人爲千萬世君子之利士或負俗而立功名跣弛者在馭之而已此漢

武求賢詔也進取之士未必有行偏短者庸可廢乎此魏武求士令也知用人之道者一主也優孟似叔敖虎賁似中郎宣武似越石以貌相士者悖哉曾參殺人而曾母投杼毛遂墮井而平原痛哭秋胡調妻而翟公拒婚以名求人者遠矣

高帝拜韓信爲大將一軍皆驚先主拔魏延爲漢中督一軍皆驚

漢太尉楊賜每拜歎陳寔大位未登媿于先之

也陳蕃爲三公嘆黃叔度在吾不敢先佩印綬也晉司空王導旣拜歎裴道期劉王喬在吾不得獨登此位也操是心也何憂乎蔽賢

仕者高則望宰相下則希牧守錮人於聖世不忍爲也此漢袁安之言也仕者大則望公卿次則望侍從奈何錮之於聖世此宋韓億之言也庶幾乎惜才者

魏武不喜得荊州喜得蒯越周文不喜得河東喜得柳敏唐太宗不喜得遼東喜得薛仁貴慕

容德不喜得青州喜得封孚蒙遜不喜克李歆喜得宋繇

梁元帝曰晉氏平吳喜獲二陸今我破賊亦得二周謂弘正弘讓也申徽謂周文曰晉主滅吳利在二陸今平梁漢得一劉璠

刑賞 十五則

晉文赦里鳧須以安國中不附者漢高封雍齒以安沙中偶語者

晉文賞不及介子推子推隱去從者作龍蛇歌

懸書宮門賞不及舟之僑之僑作龍蛇歌歷階而去此一事兩記耳

屠岸賈之滅趙氏未爲淫刑也董狐有言亡不越境返不討賊則其罪可知也曹操之殺孔融未爲失入也孔明有言來敏亂羣過於文舉則其人可知也

子臯爲獄吏嘗刑人後出奔刑者引而逃之子發令上蔡嘗刑人後出奔刑者匿而逃之殺而不怨者乎

宋廣平之抑郝靈荃賞非售功之道也張益州之斬一錢吏非刑罪之道也世方以爲美談矣王敬則守吳興有十數歲小兒路取遺物立殺之孔琇之令吳有十歲小兒偷刈隣稻竟罪之刻哉張詠鎮成都有卒抱兒兒忽怒擗其父即殺之噫滋甚矣

番夫私賦民錢市衣進父而吳祐原之人有盜隣麥進母而孔融賞之奴竊食祭先而韓卓免之庾人盜秬米食母而鐵哥貸之觀過知仁也

雖然賞則過矣

蒲鞭示辱劉寬也熟皮鞭示辱崔伯謙也裹碧頭巾示辱李封也懸一蒲鞭而未用崔景真也幾刑措矣

憐罪人無子而令其妻入獄生子者吳祐於母丘長也陳臨於蒼梧也喬智明於張允也

縱囚而囚來歸者漢戴封也虞延也鍾離意也晉曹攄也宋謝方明也梁傅岐也北齊張華原也周蕭撝也隋王伽也唐太宗知有前事而效

之所謂飾治者也

漢高與秦人約法三章李特與蜀人約法三章為徙轅之令而賞之如今吳起也為徙木之令而賞之如今商鞅也

賜爭牛者以牛而境內咸敦敬讓者魏張長年也賜盜蒿者以蒿而盜媿過加刑者隋趙嘏也惠也費矣

魏孝明靈太后幸左藏王公嬪主從者令任力負布絹多者至二百匹惟長樂公手持絹二十

匹世稱其廉隋高祖賜公卿入左藏任取多少
人皆極重惟庫狄士文口銜絹一匹兩手各一
匹上異之噫多取者無論也恩賞若此而不悟
其非二子惡得賢

魏太祖以素屏風素馮几賜毛玠齊高帝以白
羽扇素隱几餉孔靈產明帝以漆合燭盤賜傅
昭梁昭明太子以瓠食器賜劉杳皆曰君有古
人之風故賜古人之服又陸靜修以白鷺羽塵
尾扇遺張融亦曰此旣異物以奉異人

諫說 十一則

有獻不死之藥於荆王中射之士奪而食之王
怒欲殺之中射之士曰臣食之而王殺臣是死
藥也王殺無罪之臣而明人之欺王王乃不殺
武帝得君山不死之酒東方朔奪而飲之帝欲
殺之朔曰殺臣若死此爲無驗以其有驗殺亦
不灰乃赦之

齊景公使人養所愛馬馬死公怒令殺之晏子
數以三罪而公赦之使燭雛主鳥而亡公怒欲

殺之晏子數以三罪而公赦之漢武帝時有殺上林鹿者下有司殺之東方朔數以三罪而帝赦之然晏子恐一事而兩記耳韓詩外傳又作顏鄧聚而晏子數以四罪

哀公東益宅孔子對以五不祥欲西益宅宰折睢對以三不祥此亦是一事耳

太公封齊聞逆旅之言乃夜衣而行至則萊侯與之爭營丘鄭桓公封鄭聞逆旅之言乃自駕而行至則釐何與之爭封

晉平公出畋虎伏不動公自以爲霸王之兆而師曠曰君驂馭馬虎畏馭也出朝有鳥環而不去又自以爲霸王之兆而師曠曰君衣狐裘鳥名諫珂者愛狐也

晉平公出言不當師曠舉琴撞之敗壁平公爲之不塗壁魏文侯出言不當師經舉琴撞之潰旒文侯爲之不補旒嘻引裾折檻可也君而可撞罪豈止楚芻哉吾取其君不取其臣

心忠而事逆者鬻拳之兵諫也心逆而事逆者

張顥徐溫之兵諫也

燕太后不肯令公子質齊也陳翠以愛子之說
進而爲公子爲行具趙太后不肯以長安君質
齊也左師觸龍以愛子之說進而爲長安君約
車質齊

周以染工王神歡爲大夫盧愷爭之唐以伶人
陳俊爲刺史郭崇韜諫之近時羽流宗伯梓人
司空未聞伏蒲者

宋言官有乞禁鹿胎冠子者乞禁黃紙包粟者
乞禁宰鴛鴨者乞多方捕虎者乞禁人行來籠
者乞宮中養狗以備不虞者肉食之鄙一至此
乎

先主自禰亭還諸葛亮曰法孝直在必不使主
上東行魏武自荊州還曰郭奉孝在不使孤至
此孫權因征遼將士没于海曰使虞翻在此役
不成何三雄之一揆也唐太宗自遼左還亦曰
魏徵在朕無此行

兵戰 十則

風后八陣天地風雲虎翼蛇蟠飛龍鳥翔也孫子八陣方圓牝牡衝方罙置車輪鴈行也吳起八陣車箱車軋曲銳直卦衝鶩鶴也孔明八陣洞當中黃龍騰鳥翔連衝握機虎翼折衝也武王伐紂過隧斬岸過水折舟過谷發梁過山焚萊孟明之焚舟也項羽之沉船也祖武王之智也

田單火牛楊璇火馬江迥火雞俱以致勝一智而數變者也宋賊邵青亦用火牛遂敗矣王德

曰古法可一不可再

留贊臨敵必先披髮叫天因抗音而歌左右應之乃進戰戰無不克崔延伯臨陣先令田僧超爲壯士歌然後所向無前二子抑何似也杜征南身不跨馬韋懷文戰未嘗騎馬又陳慶之射不穿札馬非所便俱以將略稱唐末臨陣麾角如意韋叡臨陣執竹如意斛律金望塵而知馬步多少周德威亦望塵而知敵數然金嗅地而知軍遠近更難

傳言卷一
朱瑾黥其兵以雙鴈號鴈子都劉仁恭文其兵
面號定霸都董昌刻五千餘姓人爲感恩都楊
行密號軍黑雲都

楊行密起事三十六人宋江起事亦三十六人
江無成而事反著于行密

孫恩攻會稽王凝之入室請禱契丹寇天雄王
欽若閉門脩齋馬希萼反長沙希廣披緇念佛
至王莽之刻木校尉耀金都尉郭金之六丁方
士北斗祖兵齊薛榮宗之遣斛律明月金烏古

論先生之使軍士服氣祇供盧胡

君臣五則

神武不貴紹宗而遺之子太宗暫出世勩而貽
之子其以市道用人乎紹宗之釋景也世勩之
附盟也有是語故有是臣

孫策臨亡謂子布曰若仲謀不任事者君可自
取昭烈臨崩謂孔明曰嗣子如不可輔君可自
取噫昭烈明知禪之闇弱矣策嘗語權保江東
我不如卿而爲不任事之語何也孫也詐劉也

誠

高帝使鄭君名項籍不奉詔而帝逐之也呂布使袁渙罵昭烈不許而布慙而止也高帝於是不及布矣

曹洪謂魏武天下可無洪不可無君謝晦謂宋武天下不可無公晦死何有王洪執謂齊高天下不可無公無洪執何有哉

張昭稱疾不朝士塞其門昭又益土火燒其門昭更閉戶王安石辭起居注齋敕付之拒不受

吏隨而拜之則避于廁置勅于案而去又追還之可謂有君臣之禮哉

父子 十一則

人主臣父者二魏孝靖以父亶爲大司馬也柴世宗以父守禮爲光祿卿也

公西華養親若與朋友處曾參養親若事烈主

稽康死非命子紹靖居杜門矣後竟仕而歿

陰杜讓能歿非命子曉幅巾自廢矣後竟仕而

歿亂兵二子遜王偉元矣

傳言卷一
十五
莽有臨祿山有慶緒思明有朝義温有友珪天
報亂臣以賊子如一轍奇矣

王溥爲相父祚家居公卿至溥朝服趨侍坐客
不安祚曰豚犬爾勿煩諸公起陳堯佐兄弟三
人皆貴父省華無恙賓客至堯佐及仲季侍立
坐客不安省華曰兒子輩爾噫古人風哉

鄧艾下蜀禪議降子諶諫不用而歿劉裕入關
泓議降子佛念諫不用而死嘻姚氏不足道也
使諶嗣漢豈遂忽諸

山吏部不知子簡魏吏部不知猶子舒

顏延之諸子峻得其筆測得其文奂得其義躍
得其酒宋令文諸子之問得其文之悌得其勇
之懸得其書范仲淹諸子純仁得其忠純禮得
其靜純粹得其略范氏盛矣

山濤謂王衍何物老嫗生寧馨兒宋太后謂廢
帝將刀剖我腹那得生寧馨兒今以寧馨爲佳
話非矣

漢陳留富翁年九十生子梁荊州張元始年九

傳言卷一
十七生子唐桂陽曹泰年八十五生子皆日中
無影

周文見高洋軍容曰高歡不歿矣朱溫見存勗
軍容曰克用不亡矣魏武于孫仲謀亦然

夫婦八則

張博望持節匈奴而單于與妻生子蘇子卿杖
節匈奴而亦娶妻生子然吾不爲騫惜也

後漢書樊英有疾妻遣奴婢拜問英下床荅拜
其恭謹若是吳書諸葛瑾妻歿不改娶有愛妾

生子不舉其篤慎如此嘻與奴婢拜辱矣不舉
妾子恐矣反謂恭謹篤慎何無識也

婦希見其面者朱子元也妻希見其面有疾而
妻省之命左右扶起冠幘加襲者顧悌也夫婦
正衣冠相見再拜上酒酬酢畢便出一歲如此
不過再三何曾也不與妻相見別築室以處之
者何點也去婦人數步猶聞其臭經御婦人衣
不更着者蕭登也平居不內返入內閣爲犬所
吠者邢子才也三不惑得其一矣

備言卷一
耨而妻饁之相敬如賓冀缺也耕而妻餉之相見如賓常林也二南風哉

樂羊子得遺金歸而妻規之劉愚懷白金歸而妻怒之二婦者求之士人中不多見也

娶盲女者孫泰劉庭式周恭叔呂華陰呂所娶盲女生五男皆登第一為宰相汲公可謂有天道

唐于祐與韓氏以紅葉詩為媒蜀侯繼圖與任氏以桐葉詩為媒紅葉事一云盧渥二云李茵

終身不娶者唐陽城宋陽孝本孝本即城裔也亦異矣

兄弟 十四則

叔段之不義也莊厚其罪也梁孝之不共也景驕其志也

鄧攸擔其子及弟子避賊也度不能兩全遂棄其子而攸竟絕嗣羊祜前母兄癸與同母兄承病也祜母度不能兩全遂專養癸而承竟不起孰謂有天道哉

備言卷一
抱弟子而棄已子鄧攸也抱幼弟而棄已子劉
廷讓也抱弟女而棄已子劉平也嘻以女視子
不有間乎平也過矣

爲饒賊所得而兄弟爭死者趙孝趙禮也王琳
兒萌車成淳于恭兄弟也

以國讓弟者鄧彪丁鴻劉愷

被辟舉而因其兄未仕遂陽暗不出及兄得舉
而後仕者封觀也童翊也田叔都也三子之高
義何其類也

友愛不忍暫離雖各有室常同臥起者漢姜肱
梁張弘策韋放兄弟也若唐陽城兄弟三人不
婚娶沒齒同衾稠有妹夫歿他縣城令季弟往
收之三人相別不得遂同往元稹作詩咏之
王覽母撻前母子祥覽輒抱持涕泣韋嗣立母
笞前母子承慶嗣立輒解衣求代

稱二龍者漢許邵齊柳惔梁謝覽兄弟也三龍
者蜀李邵兄弟也五龍者漢周子與晉辛攀齊
張鏡宋竇儀兄弟也六龍者漢公沙孚晉卞粹

溫恭兄弟也八龍者漢荀爽唐崔珙兄弟也九龍者北齊王昕兄弟也三虎者賈偉節兄弟雙鳳者賈思伯思休魏景義景禮三鳳者薛收德音元敬也

雙珠者韋康韋誕孟昶孟顓

漢馬良兄弟五人並有才名鄉里諺曰馬氏五常白眉最良齊馬子結兄弟三人皆涉文學陽休之稱曰三馬皆白眉

荀氏八龍慈明無雙謂爽也卞氏六龍玄仁無雙謂粹也荀也顯再世而事曹氏矣卞也隱再世而著忠孝矣

魏陳思王植于文帝前七步成煮豆詩北魏彭城王勰于孝文前十步成松林詩二事絕類而二曹相猶不及孝文彭城遠甚也

宋韓絳拜相弟維草制曾布拜相弟肇草制時以爲美談然絳與布俱附王安石而維與肇俱賢又相似也

朋友 九則

馬文淵戒子以杜季良王文舒戒子以郭伯益
劉公幹未教子厚先揚友失矣

戶文子叔衍子思革子同入楚道乏糧度不俱
生并衣糧于革子而二子凍死左伯桃羊角哀
同入楚道乏糧度不俱生并衣食于哀而桃餓
死若劉翊道逢知故之困則與俱餓死皆可以
爲難矣

伍員奔吳謂友申包胥曰我必覆楚包胥曰我
必存之韓熙載奔江南謂友李穀曰江左相吾
當長驅以定中原穀曰中國相吾取江南如反
掌耳乃員包胥各伸其志穀志試而未竟熙載
托空言矣又蕭衍謂任昉曰我登三府當以卿
爲記室昉曰我登三事當以卿爲騎兵後衍符
其言焉

孫臏與龐涓俱學兵法涓爲魏擊齊也以臏爲
怯卒死于臏龐煖與劇辛善辛爲燕擊趙也以
煖爲易與卒死于煖

華子魚以司徒讓幼安山巨源以選曹讓叔夜

不謂之知二子不可也謂之知二子不可也
忘年友者孔融于禰衡裴子野於張纘王筠劉
之遴於江總庾仲容張率于韋粲李際盧誕於
裴尼韓愈於孟郊
千里命駕不爽期者范式于張邵卓恕於諸葛
恪
漢侯霸求友王仲回仲回不許也魏張遼求友
胡文德文德不許也晉孫秀求友杜世嘏世嘏
不許也古人慎交乃爾

晉書稱王敦謝鯤庾敞阮脩爲王衍四友至胡
母輔之傳又以敦王澄敞輔之爲衍四友若謝
靈運四友則惠連何長瑜羊璿之苟雍也晉書
不成於一人之手多所錯襍

師弟 九則

閔子騫入樂夫子之道出悅羽蓋裘旃者二者
相攻故有菜色後被夫子之教寢深故有芻豢
之色子夏入榮夫子之義出榮富貴二者交戰
故癯後夫子之義戰勝故肥一見韓非子一見

外傳當是一事耳

子路子貢顏淵侍夫子而言志也莊子以爲農
山韓詩外傳以爲戎山又以爲景山語都無大
別

顏回歿子曰天喪予子路歿子曰天祝予見春
秋繁露

張禹與弟子娛樂婦女優人相對而彭宣獨不
至後堂也馬融教授生徒多列女倡歌舞而盧
植獨不轉盼也賢哉然吾不謂二子得師也

鄭玄辭馬融歸融曰吾道東矣宗少文與張敷
談繫象曰吾道東矣

荀卿之門有李斯李斯之門有吳公師豈在人
哉

游楊立雪於程門神光立雪於少林

爲師成墳者侯芭於楊雄桓榮於朱普

一字師者鄭谷改齊己梅詩數枝爲一枝也蕭
楚才改張詠詩獨恨太平無一事爲獨幸也楊
萬里吏言于寶爲干寶也

一卷全

